


洛陽摺紳舊聞記



中國圖書出版業



洛陽搢紳舊聞記

張齊賢集

中華書局

叢書集成初編

洛陽耆紳舊聞記

中華書局出版發行

(北京王府井大街三十六號)

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

洛陽搢紳舊聞記

并序

余未應舉前，十數年中，多與洛城搢紳舊老善。爲余說及唐梁已還五代間事，往往褒貶陳跡，理甚明白，使人終日聽之忘倦。退而記之，旋失其本。數十年來，無暇著述，今眼皆足重，率多忘失。邇來營邱事有條貫，足病累月，終朝宴坐，無所用心，追思曩昔搢紳所說，及余親所見聞，得二十餘事，因編次之，分爲五卷。撫舊老之所說，必稽事實，約前史之類例，動求勸誡，鄉曲小辨，略而不書。與正史差異者，並存而錄之，則別傳外傳比也。斯皆搢紳所談，因命之曰洛陽搢紳舊聞記。庶可傳信，覽之無惑焉。宋朝乙巳歲夏六月，營邱自序。

洛陽耆紳舊聞記

此據知不足齋叢
書本排印初編各
叢書僅有此本

洛陽搢紳舊聞記第一

宋 兵部尙書知青州 張齊賢集

梁太祖優待文士

少師佯狂

襄陽事

陶副車求薦見忌

太和蘇揆父鬼靈

梁太祖優待文士

梁祖之初兼四鎮也。英威剛很。視之若乳虎。左右小忤其旨。立殺之。梁之職吏。每日先與家人辭訣而入。歸必相賀。賓客對之。不寒而慄。進士杜荀鶴。以所業投之。且乞一見。掌客以事聞於梁祖。梁祖默無所報。荀鶴住大梁數月。先是凡有求謁梁祖。如已通姓名而未得見者。雖踰年困躓於逆旅中。寒餓殊甚。主者留之。不令私去。不爾。卽公人輩及禍矣。荀鶴逐日詣客次。一旦梁祖在使聽。謂左右曰。杜荀鶴何在。左右以見在客次爲對。未見間有馳騎至者。梁祖見之。至巳午間方退。梁祖遽起歸宅。荀鶴謂掌客者曰。某飢甚。欲告歸。公人輩爲設食。且曰。乞命。若大王出要見秀才。言已歸館舍。卽某等求死不暇。至未申間。梁祖

果出。復坐於便聽。令取骰子來。既至。梁祖擲。意似有所卜。擲且久。終不愜旨。怒甚。屢顧左右。左右怖懼。縮頸重足。若蹈湯火。須臾。梁祖取骰子在手。大呼去聲曰。杜荀鶴。擲之六隻俱赤。乃連聲命屈秀才。荀鶴爲主客者。引入。令趨驟至階下。梁祖言曰。秀才不合趨階。荀鶴聲喏。恐懼流汗。再拜鼓謝訖。命坐。荀鶴慘悴戰慄。神不主體。梁祖徐曰。知秀才久矣。荀鶴欲降陛拜謝。梁祖曰。不可。於是再拜復坐。梁祖顧視陛下。謂左右曰。似有雨點下。令視之。實雨也。然仰首視之。天無片雲。雨點甚大。帝陛簷有聲。梁祖自起。熟視之。復坐。謂杜曰。秀才曾見無雲雨否。荀鶴答言。未曾見。梁祖笑曰。此所謂無雲而雨。謂之天泣。不知是何祥也。又大笑。命左右將紙筆來。請杜秀才題一篇。無雲雨詩。杜始對梁祖坐。身如在燃炭之上。憂悸殊甚。復令賦無雲雨詩。杜不敢辭。卽令坐上賦詩。杜立成一絕。獻之。梁祖覽之。大喜。立召賓席共飲。極歡而散。且曰。來日特爲杜秀才開一筵。復拜謝而退。杜絕句云。同是乾坤事不同。雨絲飛灑日輪中。若教陰朗都相似。爭表梁王造化功。由是大獲見知。杜既歸。驚懼成疾。水瀉數十度。氣貌羸絕。幾不能起。客司守之。供侍湯藥。若事慈父母。明晨。再有主客者。怪之。且曰。大王欲見秀才。請速上馬。杜不獲已。巾櫛上馬。比至。凡促召者五七輩。杜困頓無力。憂曰。趨進遲緩。梁祖自起。大聲曰。杜秀才。爭表梁王造化功。杜頓忘其病。趨步如飛。連拜鼓謝數四。自是梁祖特帳設賓館。賜之衣服錢物。待之甚厚。福建人徐黃下第。獻過梁郊賦。梁祖覽而器重之。且曰。古人酬文士。有一字千金之語。軍府費用多。且一字奉絹一匹。徐賦略曰。客有失意還鄉。經於大梁。遇郊垌之耆老。問今古之候王。父老曰。且說當今。休論往昔。昔時之事跡。誰見今日之功名。

目覩辭多不載。遂留于賓館。厚禮待之。徐病且甚。梁祖使人謂曰。任是秦皇漢武。不死何歸。憾其有此深切之句爾。梁祖既有移龜鼎之志。求賓席直言。王喬長生孰見。任是秦皇漢武。不死何歸。憾其有此深切之句爾。梁祖既有移龜鼎之志。求賓席直言。鯁之士。一日忽出大梁門外數十里。憩于高柳樹下。樹可數圍。柯幹甚大。可庇五六十人。遊客亦與坐。梁祖獨語曰。好大柳樹。徐徧視賓客。注目久之。坐客各各避席對曰。好柳樹。梁祖又曰。此好柳樹。好作車頭。末坐五六人起對。好作車頭。梁祖顧恭翔等起對曰。雖好柳樹。作車頭須是夾榆樹。梁祖勃然厲聲言曰。這一隊措大。愛順口弄人。柳樹豈可作車頭。車頭須是夾榆木。使順我也。道柳樹好作車頭。我見人說秦時指鹿爲馬。有甚難事。顧左右曰。更待甚。須臾健兒五七十人。悉擒言柳樹好作車頭者。數以諛佞之罪。當面撲殺之。梁祖雖起於羣盜。安忍雄猜。甚於古昔。至於剛猛英斷。以權數御物。遂成興王之業。豈偶然哉。

少師佯狂楊公凝式

楊少師凝式。正史有傳。博覽經籍。能文工書。其筆力健。自成一體。襟量恢廓。居常自負。既不登大用。多佯狂以自穢。時班行謂目之爲楊風子在洛。多遊僧寺道觀。遇水石松竹清涼幽勝之地。必逍遙暢適。吟詠忘歸。故寺觀牆壁之上。筆跡多滿。僧道等護而寶之。院僧有少師未留題詠之處。必先粉飾其壁。潔其下俟其至。若入院。見其壁上光潔可愛。卽箕踞顧視。似若發狂。引筆揮灑。且吟且書。筆與神會。書其壁盡方罷。略無倦怠之色。遊客觀之。無不歎賞。故馮瀛王次子少嘗於寺壁留題曰。少師真跡滿僧居。祇恐鍾王也不如。爲

報遠公須愛惜。此書書後更無書。進士安鴻漸題云。端溪石硯宣城管。王屋松煙紫兔毫。更得孤卿老書札。人間無此五般高。石晉時。張相從恩。自南院官徽使。官才檢校司。徒權西京留守。到洛城後。未久。少師自東京得假。往洛陽。夜宿中牟縣。時申未開。飛蝗蔽日。自東京而至。又明日。至鄭州。是晚。飛蝗小至。次日。滎陽。飛蝗亦至。滎陽。適有乘傳往洛中者。少師附書并一絕。先次贈洛陽居守張公。略曰。押領蝗蟲向洛京。合消居守遠相迎。云云。及到洛數日。少師寄詩上張相云。南院司徒鎮洛京。未經三月政聲成。四方羣后皆如此。端坐庸夫見太平。張公知其貧。贈遺甚厚。按石晉時至此。八行別本所無。楊之居。在府衙西門咫尺。尋常入府。監輿在前。牽馬在後。少師策杖冠褐。數十步後。徐行隨之。見者笑而不測之。此佯狂之一也。常近冬居。家未挾纊。少師安然不之問。一旦。故舊自西回。行李甚偉。楊以書訴貧。故舊凌晨來候之。仍於通利店內先寄物中。留紬五十匹。絹百匹。書送於楊。請貨易以略備冬服。少師得紬與絹。紬盡送修行尼寺。造襪施數寺僧尼。絹盡送南潭大字兩院。請飯僧。宅中骨肉。已有寒色。老女使開施僧。嗟訝有泣者。少師笑而不言。數月。居守知之。召女工輩。依楊宅之家口數大小。悉造綿衣。無闕者。造成送之。少師見送衣至。笑謂宅中曰。我故知留守公送衣來爾。此亦不測其心。佯狂之二也。尋常每出上馬。至大門外。前驅者請所訪。楊與一老僕語曰。今日好向東遊廣愛寺。老僕曰。不如向西遊石壁寺。少師舉鞭曰。且遊廣愛寺。鞭馬欲東。老僕曰。且向西遊石壁寺。少師徐曰。且遊石壁寺。聞者竊笑之。此皆佯狂之事也。有談歌婦人楊苧羅。善合生雜嘲。辨慧有才思。當時罕與比者。少師以姪女呼之。每令謳唱。言詞捷給。聲韻清楚。真秦青韓娥之儔。

也。少師以姪女呼之。蓋念其聰俊也。時僧雲辨能俗講。有文章。敏於應對。若祀祝之辭。隨其名位高下對之。立成千字。皆如宿構。少師尤重之。雲辨於長壽寺五月講。少師詣講院與雲辨對坐。歌者在側。忽有大蜘蛛於簷前垂絲而下。正對少師於僧前。此句有脫字。雲辨笑謂歌者曰。試嘲此蜘蛛。如嘲得著。奉絹兩匹。歌者更不待思慮。應聲嘲之。意全不離蜘蛛。而嘲戲之辭。正諷雲辨。少師聞之。絕倒。久之大叫曰。和尚取絹五匹來。雲辨且笑。遂以絹五匹奉之。歌者嘲蜘蛛云。喫得肚墨撐。尋絲繞寺行。空中設羅網。祇待殺衆生。蓋諷雲辨體態而肚大故也。雲辨師名圓鑒。後爲左街司錄。久之遷化。少師於西京寺觀壁上書札甚多。人間所收。真跡絕少。其寺觀所書壁。僧道相承保護之。至興國九年大水湮沒。牆壁摧壞。十無一存。可爲惜之。可爲惜之。

襄陽事

張從恩相公。晉祖時爲宣徽南院使。時鎮州安重榮叛。晉祖將征之。行有日矣。張相中夜思之。若聖駕北征。安王從進在襄陽。已有跋扈之狀。恐朝廷無備。來日朝退求見。遂以襄州爲請。且曰。安從進若乘虛來襲京師。卽陛下何以爲備。晉祖曰。卿未知爾。今已命高行周爲招討。用卿爲都監。仍命高勳。焦繼勳等數人備指使。張從晉祖言已有備。正與己意合。且上命已護其師旅。不敢辭讓。因陳請數事。皆允之。先發騎郭金海部領三千餘騎。往唐州駐泊。焦繼勳等數人亦同是行。晉祖纔發京師。襄陽安從進遂叛。謂朝廷無備。欲乘虛掩襲。遂選精騎南下。焦繼勳等知從進已叛。卽飛表聞于行在。張相渤海公亦繼發。從進與

郭相遇於花山。金海將將善用槍。時罕與敵。罕勇過人。立戰。欲立奇功。兩陣相去數里。從進素管騎兵。金海久在麾下。安亦待之素厚。從進乃躍馬引數百騎。乘高去。管陣百步。厲聲叫郭金海。金海獨鞭馬出。于陣數十步。免冒側身。高聲自稱曰金海。從進又前行數十步。勞之曰。金海安否。我素待你厚。略不知恩。今日敢來待我相殺。金海應聲答曰。官家好看大王。負大王甚事。大王今日反。金海舊事大王。乞與大王一箭地。大王迴去。若不去。喫取金海槍。言訖。援槍鞭馬疾趨其陣。繼動亦繼進。從進懼。躍馬而退。師遂相接。大爲金海所破。焦繼勳押陣。奏到。晉祖大喜。賞賜有差。從進自此喪氣。嬰城自固。王師爲連城重壘。以守之。月餘。王師攻城。城上矢下如雨。王師被傷者衆。是日。金海爲飛矢集身。扶傷歸營。明日。從進用計。汚金海。欲使朝廷疑之。以金餅貯酒。金合盛藥。以索懸之城上。呼郭金海。金海知之。力疾扶創而往。城上勞金海曰。大王知你中箭。創甚。賜你金餅。金合酒與風藥。金海蕃人。目不知書。惟利是貪。取餅與合歸營。且不問于元戎。元戎等疑之。乃馳驛奏。晉祖念花山之功。不加罪。城下就除金州團練。併其兵放他部。金海之任。居常悒悒不樂。至於捐館。惜哉。焦繼勳我太祖幸洛之歲。降麻授相州節鉞。而終高勳陷北虜。用爲幽州節度使。母在京洛陽福善里。太祖常厚賜慰安之。高後欲歸。不知其終。

陶副車求薦見忌

陶晟。號州人。少讀書業文。尤長於詩。五十餘。恥無成。遂求隸號之右職。相次爲步使。號陝之屬郡。使府藉其才幹。召置陝城。久之。會晉末戎虜犯中夏。侯章趙暉俱爲國指揮使在陝。王晏爲都頭。戎將令至陝。驛

侯章等隨虜帥就驛候之。虜命蕃將鎮陝。一旦有蕃使。見侯章衣新褐毛衫。繫金度銅束帶。虜人使一
再三視侯。與虜胡語。往來甚久。蕃帥臨上馬。命驛語者謂章曰。天使要指揮身上毛衫與束帶。逼之甚急。
侯不獲已。與之。假他人衣與帶而歸。三人同行。章在澗南。遂召王晏與趙暉來澗南營內。取酒同飲。既而
侯章曰。安有身爲指揮使。著一領毛衫。繫一條銅束帶。作主不得。就身上奪却。憤惋久之。趙暉亦怒。獨王
晏無言。將散。晏謂侯章趙暉曰。今世亂。我輩衣與束帶閒事。將來未知死所爾。侯與趙曰。如何。王晏曰。到
恁田地。藉箇甚。今夜領二三十人入驛。斫取蕃使頭。因使入衙殺了蕃王。所差使長。得則固守。不得。則將
家屬掠金帛入河東。投奔劉大王。劉大王卽漢高祖也。侯初怯。不應。趙暉然之。晏熟視侯章。久之而去。是
夜獨王晏。趙暉率死士數十人。入驛斬戎使。盡取財物以歸。乃踰垣入衙殺蕃酋。遂據其城。王晏領甲騎
數百人。詣澗南。欲殺侯章。章惶懼拜於馬前。釋之。令上馬。推趙暉爲首。侯章王晏爲都監。巡檢差陶公與
趙暉之子延進。同齎表奏漢祖。勸進焉。漢祖大喜。因次第酬之。後漢祖知晏功。三人皆節使。備在正史。陶
公遂委質事漢祖。及王師南舉。命爲開道使。高祖卽天位。陶使人來求趙暉侯章等奏舉。朝廷不得已。遂
授公虢州刺史。然執政者由是側目矣。罷郡處之環衛。後出爲蕃方副軍軍司馬焉。終於荊州副使。知州
事。公能詩。與宮師王相溥善。常有詩往來屬和。翰林承旨陶公穀叔事之。自前延安軍司馬。參戎闔於華下。綏
陶翰林爲序。親書以送之。送從叔赴華下序略曰。聖上卽位之三年。命前延安軍司馬。參戎闔於華下。綏
舊俗也。踐華寧秦之境。遠皇猷者五十有九年矣。自昭宗東遷。歲在甲子。至聖祖王成。歲五十有九年矣。順天詩云。秦華二地。開皇猷遠南夏。比已亡失數句。

赤驥嘶風而可仰。玉蟾耀彩以如晝。潛編嘉作。別俟知音。攀琪樹而笑天風。鼎遷周頌。控文歸而飛赤水。幅裂韓詩。辭多不載。公晚年知進士張翼能詩。召置門下。厚待之。嘗曰。七言詩。我不如翼。五言詩。翼不如我。陶公詩有河經蕃地濁。山到漢家青。又在環衛時詩。擬拋丹禁去。試著白衣看。有集。陶翰長爲之序。張翼嘗投詩兩軸於宮師王相溥。王相以詩謝云。清河詩客本賢良。惠我新吟六十章。格調宛同羅給事。功夫深似賈司倉。登山始覺天高廣。到海方知浪渺茫。好去蟾宮是歸路。明年應折桂枝香。陶以副車別駕。權莅蕃閫者。久之。所至稱治。不苛不擾。律身省事而已。在政無赫赫之稱。能任日。民皆攀轅遮留。泣涕塞路。前驅鞭撻之。然後進。既遭逢漢祖。始用爲開道使。以其讀書多學。有木秀之忌。一求薦於三帥。過亦輕矣。授一刺史。二年而罷。竟以散秩坎軻終身。亦命夫。時俗謂之求關節。履捷逕以致身者。得爲深誠乎。仲尼曰。富而可求。雖執鞭之士。吾亦爲之。聖人之旨。明富不可妄求。況貴位乎。子元鼎有文章。擢進士第。烏乎。今不幸而殂矣。

泰和蘇揆父鬼靈

蘇揆。州人也。業進士。太宗皇帝御試第二等及第。由廷尉平知吉州泰和縣。揆父歿十數年矣。有吉州衙將綱上京迴。行次黃梅縣。宿於逆旅中。晝晚後。忽有一老人。皂衣裹短脚幘頭。策一驢。引一僮。可十六七。逆旅中。逡巡於房中。出揖吉州衙將。與之坐。因語及泰和看親識。吉州將詢之曰。某吉州人。繫職州衙。京迴。今往本州。與老父作伴同去可乎。且言泰和之親識。何人也。老父曰。某姓蘇。有男名揆。叨忝

登第。在秦和知縣。暫去相看伊彼。更無別親識。州將曰。秦和知縣。今本州通判同年也。通判。卽向相敏中爾。某幸得伏事。某因便願送老父至秦和。望知縣處略言某姓字。老人許諾。是夕。州將命酒同飲。十數盞。老人甚喜。明日同行。沿路州將買食同食。老人亦不辭讓。同過渡。至江州。老人沽酒請州將同飲。始款狎無間。然友至洪州同宿。明日將行。老父謂州將曰。某比約與公同往秦和。夜來思之。男已忝京寮知縣。某行李如是。託你先到秦和。報兒子製新衣。借僕馬來。沿路相接。吉之州將。然其所託。曰。卽告辭先行。至家。未敢詣州公參。先往秦和報知縣。轉榜子參蘇。揆出州將拜起。頗恭。且曰。自黃梅與員外尊長同來。比約同至縣。及宿洪州之明日。員外尊父忽令某先來報。員外請製新衣。借僕馬來。沿路相接。揆聞未之信。且曰。先父歿十餘歲。莫懷否。州將曰。自黃梅同途來。同飲食。備覓員外任秦和。特來相看不虛。蘇問其年。顏身形無二矣。又問繫裏衫衣無二矣。揆降階。望鄉大哭者久之。徐謂州將曰。揆父歿時。年顏繫裏衣衫無小異。言訖又慟哭。遂製新衣。畫僕馬。焚之後數年。揆平理殂。卽老父所乘驢與僕何物也。與之語。言人也。飲食人也。物假爲之耶。鬼神耶。時向相任吉州通判。余爲轉運使。備詳其事而書之。豈語怪之嫌乎。



洛陽摺紳舊聞記第二

齊王張令公外傳

李少師賢妻

虔州記異

衡陽周令妻報應

齊王張令公外傳

齊王諱全義。五代史有傳。今之所書。蓋史傳之外。見聞遺事爾。王濮州人。嘗在巢軍中。知其必敗。遂翻身歸國。唐授王澤州刺史。初過三城。謁節度使諸葛爽。爽有人倫之譽。觀王之狀貌。待之殊厚。贈且多。臨辭。謂王曰。他時名位在某之上。勉之。爽既歿。王漸貴。追思疇昔見知之恩。未嘗報。乃圖其形像於其私第。日焚香供養之。每晨朝於影前捻香。方出視事。未嘗小怠。至於終身。其感恩不肯本也如是。在澤未久。移授洛州刺史。時洛城兵亂之餘。縣邑荒廢。悉爲榛莽。白骨蔽野。外絕居人。洛城之中。悉遭焚毀。初巢蔡繼亂。乃築三小州城。保聚居民。以防寇盜。及罕之等爭奪。但遺餘堵而已。初至洛。率麾下百餘人。與州中作觀。正居守之位焉。王本傳云。洛城之中。戶不滿百。又唐鴻撰王行狀云。於瓦礫邱墟之內。化出都城是也。